



Ibagsak ang tiraniko nga si Duterte!

Agumon ang pinakamataas nga rebolusyonaryo nga inisyatiba sa pag-abanse sang inaway banwa!

Mensahe sang Komiteng Rehiyunal sang Partido sa Isla sang Negros
sa okasyon sang ika-52 nga anibersaryo sang Communist Party of the Philippines
Disyembre 26, 2020

Nagapakig-isa ang Negros Island Regional Party Committee (NIRPC) sa bug-os nga rebolusyonaryo nga kahublagan sang pumuluyo sa Negros kag sa bilog pungsod sa militante nga selebrasyon sang ika-52 nga anibersaryo sang pagka-

pundar sang Communist Party of the Philippines.

Ginahimo naton ini nga may mapagsik nga determinasyon nga tapuson ang traidor, kawatan kag mamamatay-tawo nga pamaagi sang tiraniko kag buang nga si Duterte.

Ginahimo naton ini nga may malig-on nga panaad nga iangat ang hayahay sang demokratiko nga rebolusyon sang pumuluyo kag ang sosyalista nga kawsa sa bag-o kag mas taas nga halintang.

Ginpamalandungan naton



ang istoriko nga kamalahalon sang pagkapundar liwat sang Partido sa idalum sang teori-tikal nga giya sang Marxismo-Leninismo-Maoismo (MLM) sang 1968 bisan subong aton gina-usisa sang mayo ang ideolohikal, politikal kag organisasyonal nga hilikuton nga aton nahimo sa 2020, ang tuig nga pat-od sang indimatupungan nga mga panghangkat dala sang pasista kag kontra-rebolusyonaryo nga teror nga paghari ni Duterte kag sang pinasahi nga pangkalibutanon nga katalagman sang pandemya.

Sa pagkamatuod, madamu nga mga kadre sang Partido, mga Pulang kumander kag hangaway sang Apolinario Gatmaitan Command- New People's Army (AGC-NPA) kag mga alyado nga pwersa kag abyan sang National Democratic Front of the Philippines (NDFP) sa Negros ang nagpakita sang matu-od nga indi-makinaugalingon nga pag-alagad sa pangmadalian kag pangmalawigon nga interes sang naga-antus nga masa kag pumuluyo sa tunga sang tuman ka mabudlay nga tini-on.

Nangin maisog sila sa ila pagpakig-away sa demonyo nga paghari ni Duterte.

Padayon ang ila nga pagpanikasog agud makigbahin sa pag-abanse

sang inaway banwa para sa pungsodnon nga kahilwayan kag demokrasya.

Naghalin sa ila nga hanay ang pinakabag-o nga mga martir kag baganihan sang isla nga may pinakamataas nga sakripisyo para sa kontra-imperyalista, kontra-pyudal kag kontra-pasista nga paghimakas subong ginahatag naton ang aton pinakamataas nga pagpasidungog.

Ang handurawan sang ila huwaran nga kabuhi, kaangay nila Apolinario Gatmaitan, Leonardo Panaligan, Roselyn Jean Pelle, Armando Sumayang Jr., Rachelle Mae Palang kag sang madamo pa nga nag-una sa aton, nagpabilin nga nagadabadaba sang aton rebolusyonaryo nga espirito.

Aton ginapasidunggan si Jerry Catalogo, Zara Alvarez, Dr. Mary Rose Sancelan kag iban pa nga nagatib-ong sang hustisya sosyal, tawhanon nga kinamatarung kag matuod nga naga-alagad sa pumuluyo sa Negros sa diin sila ginpatay sang mga wala-tagipusuon nga berdugo sang estado bangud sa ila kaisog kag dedikasyon.

Indi kita dapat mag-untat sa pagpangita kag paghatag sang rebolusyonaryong hustisya para sa ila nga kamatayon.

Ang NIRPC nagahatag sang mapula nga pagsaludo sa mga kadre sang CPP Komite Sen-

tral (KS) nga si Julius "Ka Nars" Giron, Eugenia "Ka Eugene" Magpantay kag Agaton Topacio, kag ang madugay na nga NDFP-Peace Consultant nga si Randall Echanis.

Sila tanan ang mabakod nga nagdedikar sang ila nga kabuhi sa rebolusyon sa malawig nga tinuig nga nagakabuhi ang Partido, tubtob ginpatay sila sang pasista nga mga mersenaryo ni Duterte sa tuman ka pintas kag wala-kaluoy nga pamaagi.



ANG *Paghimakas*

December 2020

Nagapasalamat ang *Ang Paghimakas* sa mga kontribusyon agud mangin madinalag-on ang ini nga isyu. Sa pagpauswag sang aton *Ang Paghimakas*, ginapangabay sa tanan nga bumalasa nga padayon nga mag-amot sang mga balita, piktyur, istorya kag iban pa nga sinulat. Nagapangayo man kami sang inyo mga suhestyon kag komentaryo paano pa gid ini pauswagon.



angpaghimakas@yahoo.com



fb.com/angpaghimakasnegros



negrosrevportal.wordpress.com

Sa ila kapasidad bilang katapu sang Executive Committee sang KS, si Ka Nars kag Ka Eugene, sa isa ka panahon, nangin partikular nga instrumento sa paggiya sa Partido nga nagapamuno sa Negros paagi sa proseso sang patukod sang mas mabakod nga proletaryado nga paghili-usa sa rehiyon.

Sa masami nga ginahambal sa Negros may kaangut sa mga nangabuhi kag napatay para sa ginapigos kag ginahimuslan, ang ila nga kamatayon ang mas mabug-at pa sa bulkan sang Kanlaon.

Ginapanawagan naton sa tanan nga kolektibo sang Partido, mga yunit sang NPA kag pangmasa nga organisasyon sang rehiyon nga magdihon sang diskusyon sa pahayag sang KS sa ika-52 nga anibersaryo sang Partido.

Impotante nga makakuha kita kag magiyahan santo sa pag-analisa sang Partido sa subong nga estado sang krisis kag pagkabangkarote sang pangkalibutanon nga sistema sang kapitalista kag paano ini na-angut sa lokal nga nagahari nga sistema ilabi na sa Pilipinas.

Ang Covid-19 nga pandemya, makahalanusbo nga resulta mismo sang imperyalista nga pagpangawat kag kagamu, wala lang nagbuyagyag sang madalum nga krisis pero

nagtuga man sa paglala sini sa madasig nga tikang.

Igsakto nga natumod ang kapaslawan sang imperyalista nga gahum kag sang ila neokolonyal kag mga nagadepende nga estado nga bisan man lang magpahagan-hagan sa epekto sang krisis sa mga mamumugon kag pumuluyo sang kalibutan, nagadaku ang rason nga wala na sang kapabilidad nga maggahum sa daan nga pamaagi, aton lau-man nga sa umaabot nga pangkalibutanon nga sitwasyon liwat nga magbaskog ang kontra-imperyalista nga mga paghimakas kag sang pangkalibutanon nga proletaryo nga rebolusyon.

Importante nga ang rebolusyonaryo nga suhetibo nga pwersa sa Negros ang maghili-usa sa pangmadalian nga mapang-away nga hilikuton nga ginhapag sang Partido partikular sa sini nga magamo nga tinion sang malala nga krisis sang lokal nga nagahari nga sistema sang malakolonyal kag malapyudal.

Sakon nga mga patakaran neoliberal sa ekonomiya ang nagapabilin nga nagadomina kag nagagahum, labaw pa, ang lubos nga pagsungka sang pungsodnon nga patrimonya sa kasubong nga daan kag bag-o nga mga imperyalista nga amo.

Sa ila minilyon, ang malawig na nga naga-antus nga

masa kag pumuluyo ang naga-pangabuhi subong sa labi pa ka malala nga kapigaduhon kag gutom.

Sa tunga sang emerhensiya sang pandemya kag sang sunod-sunod nga mga kalamidad, ginpakita sa ila ang halimaw nga may duha ka ulo nga amo ang kinaandan nga gawi sang gobyerno nga magpabaya kag ubod-ubod sang burukratiko nga korapsyon.

Sakdag sang bag-o nga terror law sang estado kag sang ginatus ka bilyon ka pesos sa pampubliko nga pondo, ginagamit ang lubos nga mapaniplang nga kusog sang estado agud bunalon sa kahadlok ang pumuluyo, bantayan ang konserbatibo nga oposisyon, kag pahipuson ang sin-o man nga mangahas



nga magpamatok nga magduso sang ila sandigan nga kinamatarung.

Si Duterte kag ang iya bukrasya militar, nga sa praktika ang tanan nga ahensya sang reaksyunaryo nga gobyerno nga nagasunod sa “whole of nation” sang pasista nga doktrina sang pagpamigos, ang determinado sa mahigko nga kontrarebolusyonaryo nga gyera batok sa armado nga rebolusyon kag legal demokratiko nga kahublagan masa.

Nagasalimuang gid si Duterte nga papason ang mga pwersa sang pungsodnon nga demokrasya bangud sila ang pinakaseryoso nga nagabalabag sa plano ni Duterte nga magpabilin sa gahum sobra pa sa 2022, maglikaw sang salabton sa iya mga krimen kag ipaseguro ang pinakaposible nga konsentrasyon sang bukratikong pagpangawat para sa iya nga pamilya, mga ginpaboran nga mga oligarko, mapintas nga kontra-

komunista nga mga militar, utok-utok nga mga kriminal kag ang madugay na nga ginsikway nga mga kawatan nga mga hepe sang pasista kag idu-ido nga rehimen.

Wala nagapamatuod sang iya kabaskog ang pasista nga terror ni Duterte. Sa baylo, nagasugid ini sang sinyales sang nagadako nga kahuyangan, politikal nga pagkahamulag kag hayagan nga desperasyon sang tirano kag buang nga ginakahadlukan kag ginatamay ang masa.

Mintras ang handum sang rehimen US-Duterte nga maggamit sang salsalon nga kamot batok sa pumuluyo, mintras nga padayon sini nga ginadingutan sa kada-adlaw bisan sa pinaka ahaw-ahaw nga kinahanglanon, nagadamo nga nagadamo ang malapad nga masang pigos kag ginahimuslan ang nagakakumbinsi sa kahustuhon kag kinahanglanon indi lang sa pagkadto sa kalsada para

magprotesta kundi labi na ang pag-usoy sa banas sang armado nga rebolusyon.

Ang nagaluntad nga kondisyon pat-od nga puno sang problema kag kabudlayan kag pinakapaborable para sa pungsodnon demokratiko nga rebolusyon.

Bangud sini, dapat makuha sang Partido ang pinakataas nga inisyatiba sa paggamit sang hinganiban sang armado nga paghimakas kag sang nagahili-ugyon nga prente sa pagtipon kag pagpamuno sa minilyon ka isganan nga pumuluyo kag mabudlay nga away batok sa tiraniya kag todo-larga nga kontrarebolusyonaryo nga gyera ni Duterte, kag sa pagtipon sang bug-os nga kusog nga kinahanglan agud malab-ot ang abanse nga sub-yugto sa estratihiko nga dependsiba sang pangmalawigon nga inaway banwa.

Tanan nga bahin sang rebolusyonaryo nga pag-abanse sa tunga sang todo-larga nga kontrarebolusyonaryo nga gyera

Nagapabilin nga determinado ang CPP sa rehiyon sa pagpamuno sang rebolusyonaryo nga kahublagan sang pumuluyo sa duha ka probinsya sang Negros.

Talalupangdon ang nalab-ot sang Partido sa ideolohiya, politika kag organisasyon nga kadalag-an sa Isla sini nga tuig bisan sa atubang sang wala-untat nga pasistang pagpang-atake kag iban pang praktikal nga hangkat sa pag-atubang sa pandemya kag sang militarista nga tikang sa gobyerno ni Duterte.



Armado sang MLM, naganikasang kadre kag katapu sang Partido nga permi nga magkuha sang leksyon halin sa rebolusyonaryo nga inagihan kag dal-on ini padulong sa rebolusyonaryo nga teorya agud epektibo nga magiyahan kag labi nga paguswag sang rebolusyonaryo nga praktika.

Pipila sa mga dalagkuan nga ideolohikal nga hilikuton sang Rehiyon sa sini nga tuig ang markado nga pagsaka sang numero sang mga bag-o nga nakagradwar sa Sandigan kag Intermidya nga Kurso sang Partido (BKP kag IKP) kon sa diin makabig nga nakabulig ang madinalag-on nga paghiwat sadtong Marso sang pinaka-una nga konperensya sang Partido sa rebolusyonaryo nga hilikuton sa edukasyon.

Sang Agosto, halimbawa, 55 ka katapo sang lokal nga sangang sang Partido kag Pulang Hanagaway sang Southeast Negros Front ang nakakuha sang BKP.

Sa Central Negros Front nagabug-os sang mga isa ka gatus ka katapo sang Partido nga nakatag sa sari-sari nga hugna ang nakatapos sang IKP sa tuig 2020.

Nagligad nga Enero, ang una nga hugna sang mga rehiyunal nga kadre ang nakakompleto sang Abanse nga Kurso sang Partido.

Ang mga pormal nga diskusyon sa mayor nga konklusyon halin sa 25 ka tuig nga rehiyunal nga pagsumada ang natigayon sa pipila ka mga yunit sang Partido.

Nahatagan ang mga intermedya nga mga kadre sang klaro nga laragway sang rehi-

yunal nga manggad sang rebolusyonaryo nga praktika, dugang nga paghili-usa sa ila sa sandigan nga prinsipyo sang Partido kag paggiya sa ila sa subong nga nalab-ot nga hilikuton sa kaumhan kag kasyudaran nga may maayo nga resulta.

Determinado ang Partido, ang NPA kag ang rebolusyonaryo nga aktibistang masa sa Isla nga dal-on ang pangkabilugan nga politikal nga linya sang demokratiko nga rebolusyon sang pumuluyo paagi sa pangmalawigon nga inaway banwa.

Bilang ika-apat sa pinakalapad nga isla sang pungsod kag malawig nga baluarte sang monopolyo sang kadutaan kag hasyenda nga sistema, ang Negros tubtob subong nagapabilin bilang pinakamatambok nga sosyal kag pisikal nga kadutaan sa diin matukod kag madebelopar ang mga larangan gerilya sa katuyuan nga itib-ong ang rebolusyong agraryo kag ilunsar ang masingki kag malapnagon nga gerilyang pagpakig-away base sa nagalapad kag nagadalum nga baseng masa.

Ang 302nd kag 303rd brigade sang Armed Forces of the Philippines nagpabugal nga ang NPA sa Negros sa subong lubos nga nademoralisa kag mahuyang kag wala na sang kabilinggan bangud sa ginatawag nila nga madamuan nga



nagsurender nga mga Pulang Hangaway kag pagkaaresto sang mga gina-alegar nga lider sang mga rebelde.

Pasulit-sulit na ini nga kabutigan nga siyempre wala naga-santo sa kamatuoran nga ang lima ka larangan gerilya sang Rehiyon nahimo nga magpalapad sa sini nga tuig sa hambalanon sang lubos-panahon nga armado nga kusog, sa diin may isa ka larangan nga nagpahayag nga may neto pagdaku katumbas sang isa ka platoon.

Ini nga wala unod nga pahayag kag gamay nga pagkilala sang AFP mismo nga ang hangaway sang pumuluyo ang padayon nga nagadaku sa bilog nga Negros.

Sa matag-adlaw nga kahimuan sang ila “Sauron” nga hilikutan sang pagpang-red tag, pagpang-aresto, pagpangtortur kag pagpamatay sang mga wala armas nga sibilyan, ini nga mga pasista nga buang nagbutang sa madamuan nga pumuluyo sa

tuman nga kaakig kag nagtulod sa ila nga magduso sang lain-lain nga porma sang paghimakas lakip na ang ginatanyag sa ila nga magpasakop sa NPA.

Ginabuligan sang mga yunit sang milisya sang pumuluyo kag naga-agom sang malapnagon nga suportang masa, ginamintenan sang NPA ang relatibo nga politikal nga armado nga presensya sa Isla.

Amo ini ang rason sang pagtingub sang AFP batok sa NPA sa Negros sa tuman ka daku nga pwersa sa diin nagalab-ot subong sa indi magnubo sa napulo ka kombat batalyon, lakip na ang mga armado nga auxiliary kag rehiyunal nga mga yunit sang Philippine National Police (PNP).

Ini nga mga kasubong nga mga pasista nga mga pwersa, upod ang ila mga auxiliary kag mga asset, ang nag-agum sang 75 ka mga nagkalamatay halin sa indi magnubo 30 ka taktikal nga opensiba kag punitibo nga aksyon nga ginlunsar sang mga yunit gerilya sang AGC humalin Enero 2020 tubtob Disyembre 2020.

Ang mga armado nga opensiba sang NPA kag ang mga aksyon sini nga pagpatuman sa desisyon sang rebolusyonaryo nga korte sang pumuluyo nagdugang pagpanginguha kag nagpa-isog sa masa nga magbangon agud depensahan ang ila kinama-

tarung kag kaayuhan kag makig-angut sa malapad nga kahublagan sang pumuluyo kontra-Duterte.

Apang ang 20 ka matag-as kag nugbo nga kalibre sang armas nga na-agaw sang AGC sa kaaway sang 2020 magamay lamang kag kinahanglan pa nga padamuon sa subong paagi sa mas madamo pa nga mga taktikal nga opensiba agud bastante nga marmasan ang nagataas nga numero sang pinakamaayo nga mga anak sang pumuluyo nga nagapasakop sa NPA.

Sa nanuhaytuhay nga tinion sini nga tuig kag sa kooperasyon sang sari-sari nga yunit istap sang Regional Operational Command, sarang nakadihon ang mga larangan sang mga sandigan nga politiko-militar nga kurso sa paghanas kaangay sang para sa mga kombat medik, medikal officers, kag intelligence operatives.

Sang Marso kag Abril, nagobserba sang hugot nga pag-sunod ang AGC sa probisyon sang isa ka bahin nga untatlupok nga gindeklara sang CPP-NPA-NDFP bilang sabat sa pangkalibutanon nga panawagan sang United Nations nga temporaryo nga untaton ang armado nga komplikto pagkatapos sang pagtuhaw sang pandemya.

Matinumanon nga ginsunod ang pagpa-iway sang inaway



bisan pa sa mabudlay nga tuman ka imposible sini nga panahon nga ang kaaway agresibo nga naga-atake kag may klaro nga paglapas sa pagsulundan sa ila kaugalingon nga gin деклara nga untat lupok nga tani ipatuman sang Malacanang sa sina nga pareho nga bulan.

Ang armado nga engkwentro sadtong Abril sang platun sang AGC kag sang 94th Infantry Battalion, sa diin nangin kabangdanan sang pagkapatay sang tatlo ka militar, napasulod sang gintugutan nga buhaton sa aktibo nga depensa sang hangaway sang pumuluyo kag wala ini nagalapas sa bisan ano sa untatlupok sa ila nga bahin.

Mas bug-at pa gihapon ang kadalag-an sang AGC ikumpara sa mga kapaslawan nga nagagum sang pipila ka mga yunit sini sa lain-lain nga panahon sa sini nga tuig, ang gerilya nga mga pwersa sa Isla seryoso nga nagatuon sa sini nga mga inagihan kag nagahimo sang mga tikang para maparuswag ang mga pat-od nga mga yabi nga aspeto sang ila militar kag politikal nga mga hilikuton.

Matalum nga nakahibalo sang kakinahanglanon nga integrasyon sang rebolusynaryo nga armado nga paghimakas sa matuod nga reporma sa duta kag ang pagtukod sang

baseng masakag organo sang gahum pampolitika, nagpagwa ang NIRPC sa dtong Enero sang bilog tuig

nga plano sang kontra-pyudal nga kampanyang masa sa bilog Isla.

Apang ini, ang may mga pagbag-o sa mga tikang kag may kabalaka labi na sa mga sirkumstansya sang Marso pag-abot sang pandemya.

Sa bisan ano man, ang tanan nga larangan gerilya ang nagsabat sa pungsodnon nga panawagan sang Partido nga ikonsentrar ang tanan nga rebolusyonaryo nga pagpanikasog sa pagbulig sa pumuluyo nga kolektibo nga mapangibabawan ang krisis sang Covid-19.

Sa North Negros Front, madamu nga mga na-impronta nga materyales angut sa Covid-19 ang napagwa para ipanagtag sa masa.

Ang mga armado nga yunit pangpropaganda kag mga lider sang asosasyon sang mga mangunguma ang naghatag sang panugyan sa mga mangunguma kung paano iduso ang ila nga kinamatarung para sa pagpa-uswag halin sa programa sang



ekonomiko nga ayuda sang ahensya sang gobyerno nga kon indi tuman ka uyaya, napun-an sang pangawat kag indi bastante.

Ang mga organisasyon sang mangunguma sa Southwest Negros Front ang nagbulig sa mga pamilya sa pipila ka mga grupo sang barangay sa pagplano sang mga aksyon masa para magdemanda sang ayuda nga pagkaon sa lokal nga reaksyunaryo nga gobyerno.

Ang kampanya sa emerhensiya nga produksyon sa pagkaon, upod ang pila ka kaso sang paghimo sang herbal nga bulong, ang nagahikot na sa pipila ka mga sonang gerilya artis pa gin-ako sang Department of Agriculture nga nagahilapit na ang pungsodnon nga kakulang sa pagkaon.

May yara man sang pipila ka limitado nga mga pagtinguha nga lambuton ang mga tradisyunal nga grupo kag institusyon kag bisan mga abyan sa lokal nga gobyerno

kag ahensya nasyunal nga maghangyo sang ila kooperasyon sa kampanya sang pumuluyo sa Covid-19 sa kauhahan.

Ang mobile nga klinika sang pumuluyo nga ginpangunahan sang mga medikal nga opis-yales kag istap sang NPA ang nagdihon kag naglibot sa bilog nga larangan gerilya, isa sa pinakamadinalag-on amu ang gintigayon sa Central Negros sang Marso sa diin indi mag-nubo sa duha ka libo nga mga pumuluyo sa baryo ang na tsek-ap kag nabulong sa isa lamang ka adlaw, panghitabo nga nag-ani sang pagdayaw sang madamo nga mga may kredibilidad nga propesyunal sa ikaayong lawas sa kasyudaran.

Apang, bisan sa pipila ka mga maayo gid nga resulta, ang pagpanikasog sang Rehiyon sa kolektibo nga kampanya sang pumuluyo sa krisis sang Covid-19 ang may ara pa kontani ini sang mas labi pa ka lapad nga nalab-ot kag dalayon napasangkad.

Mas gipasanto tani ini sa praktikal nga katuyuan sang kontra-pyudal kag kontra-pasista nga paghimakas masa kag sa hilikuton sa pagpataas kag pagpalapad sa pagtukod sang rebolusyonaryong baseng masa.

Ang daan kag bag-o nga rebolusyonaryo nga mga pwersa sa Negros subong nagapa-

ambitanay sang madalum nga ihibalo sang dekada nga inagihan sang Partido sa nagahili-ugyon nga prente nga hilikuton sa Rehiyon.

Labi pa sila nga naga-isa kag oryentado nga maghikot sa unahan sang ekonomiko kag politikal nga paghimakas sa lain-lain nga patriyotiko kag progresibo nga pormasyon.



Sa tunga sang nagapadayon nga pasista nga pagpang-atake, may ara sang pipila ka talalupangdon nga mga bag-o nga kadalag-an ang legal demokratiko nga kahublagan masa partikyular sa sektoral nga pag-organisa kag multi-sektoral nga kahublagan masa, sa pagtukod sang malapad nga nagahili-ugyon nga pronte kontra-pasista, kag hilikuton sa internasyunal nga paghili-usa.

Klaro ini nga paborable nga pagpanikasog nga mapangibabawan ang konserbatismo kag sektaryanismo.

Ang mga mamumugon sa kampo kag iban nga masang mangunguma, mga mamumugon, kag imol nga taga-syudad ang napukaw, na-organisa kag napahulag sa mga kampanya para sa pagpasaka sang sweldo, farm lots, indi anay magbayad sa renta sa duta kag sa utang, mga sabsidyo kag ayuda, libre nga medikal nga serbisyo kag iban pa nga makatarungan nga demanda sa panahon sang grabe nga krisis sa ekonomiya kag pandemya.

Ang mga intelektwal nga mga pamatan-on sa syudad kag mga propesyunal ang lubos nga nagasuporta sa sini nga mga demanda kag nangin epektibo sa pagmaksimisa sang social media para sa kontra-pasista nga propaganda.

Ang mga lider sa sektor sang simbahan ang labi nga nagapakigbahin sa pagpanawagan sa pumuluyo nga mag-isa kag magpangita sang hustisya para sa nagataas nga numero sang mga biktima sang terorismo sang estado.

Sa maga-abot nga mga bulan, ang mga progresibo kag patriyotiko nga mga pwersa sa Rehiyon ang ginasigahum nga labi nga magpakigbahin sa kontra-pasista, kontra-pyudal kag kontra-imperyalista nga kampanya kag paghimakas masa, hayag nga aksyon masa ukon sa li-

kom nga pamaagi sang pagpamatuk ilabi na sa hayagan nga dalagan sang rehimen US-Duterte nga i-iligalisa ang hayag nga demokratiko nga organisasyon masa, mga alyansa, mga partido kag institusyon.

Sa bisan ano nga kaso, ang pungsodnon demokratiko nga mga pwersa sa Rehiyon ang nagahimo sang tanan kutob sang ila masarangan agud dal-on ang naga-antus nga masa sang mga mamumugon, mangunguma, petiburges sa syudad, mga nahanunga nga pwersa kag mga taktikal nga alyado sa oposisyon sa mas

masako kag progresibo nga dalagku-an nga aksyon masa sang malapad nga kontrapasista nga kahublagan masa nga may katuyuan nga palayason si Duterte sa gahum kag sukton sa iya madamo nga makasiligni nga mga krimen.

Ginatib-ong kag ginapraktika sang Partido sa Negros ang prinsipyo sang demokratiko nga sentralismo, gina-away ang burukratismo kag ultrademokrasya kag nagapanikasog sa kada panahon para sa pinakasolido nga organisasyonal nga pag-isa.

Padayon ini nga nagabaskog, ginakabig sang ginatus nga bag-o nga mga katapu halin sa mga Pulang Hangaway kag abanse nga mga aktibista sang rebolusyonaryo nga organisasyon masa sang patriyotiko kag progresibo nga mga sahi kag sektor.


Madamo nga mga kadre ang komprehensibo nga nag-uswag agud ila epektibo nga mapamunuan ang masa sa lain-lain nga patag sang rebolusyonaryo nga hilikuton nga mangin madamo kag masibod sa pagsingki sang inaway banwa.

Dapat lab-uton sang Partido, Hangaway sang Pumuluyo kag sang mga pumuluyo ang pinakamataas nga rebolusyonaryo nga inisyatiba

Ang ideolohikal, politikal kag organisasyonal nga pagpaninguha sa nag-agi nga tuig ang nagdala sa mga rebolusyonaryo nga pwersa kag pumuluyo sa Negros sa malig-on nga tungtungan sa diin labi pa nga itib-ong ang lima ka tuig nga programa sang KS, ginpartikularisa ini sa tatlo ka tuig nga programa sang NIRPC, subong man ang bisan ano nga natumod nga mapang-away nga hilikuton nga makita sang

Partido nga gilayon nga kinahanglanon sa kada pagbag-o sa dalagan sang inaway banwa.

Dapat ipasiguro sang Partido nga lubos ini nga nahakos ang importante nga mga leksyon halin sa mga pinakabag-o sini nga mga inagihan sa nagapadayon kag nagasibod nga sirkumstansya sang pangkalibutanon nga pandemya samtang naga-angut ini sa diktadurya nga pagkabuang ni Duterte sa isa ka bahin, kag sa



hilikuton sang rebolusyonaryo nga hilikuton sa pihak nga bahin.

Dapat indi ini magpadala sa pagpakulahaw kung ara na sa katapusan ang pinakamalala sang krisis, ukon mataranta kag pasibo kung mangin labi nga mabudlay ang mga bagay.

Dapat iplastar sang Partido ang pinakamataas nga halimbawa sang rebolusyonaryo nga kapag-on sa atubang sang mga kabudlayan kag sakripisyo.

Nagaluntad ang tuman ka paborable nga kondisyon sa pagsulong sang armado nga rebolusyon kag dapat kuhaon sang Partido ang pinakamataas nga proletaryado nga inisyatiba sa tanan nga aspeto sang iya nga hilikuton nga pamunuan ang pumuluyo kag ang Pulang hangaway sa pagpakig-away sa pasista nga tiraniya kag todo-larga nga kontrarebolusyonaryo nga gyera sang rehimen US-Duterte.

Dapat kuhaon sang Partido, sang NPA kag sang rebolusyonaryo nga kahublagan ang pin-

akamataas nga politikal kag militar nga inisyatiba paagi sa dululungan nga pagtib-ong sang gerilya nga pagpakig-away, agraryo nga rebolusyon kag pagtukod sang baseng masa kag paagi sa eksperto nga pagtalana sang mga prinsipyo kag taktika sang rebolusyonaryo nga nagahili-ugyon nga prente.

Dapat kuhaon sang Partido ang pinakamataas nga organisasyonal nga inisyatiba para magpalapad sang iya katapuan sang pila ka pilo kag pataason ang proletaryado nga kapasidad sa pagpamuno sang mga kadre kag katapu sa tanan nga lebel.

Ang padayon nga pagtipon sang bug-os nga rebolusyonaryo nga kusog ang absoluto nga kinahanglanon para dal-on ang pangmalawigon nga inaway banwa sa hamtong nga halintang sang estratihiko nga dependsiba, padulong sa halintang sang estatehiko nga pagkapatas kag labaw pa. **AP**

Mabuhay ang ika-52 nga Anibersaryo sang Partido! Isulong ang demokratikong rebolusyon sang banwa tubtob sa kadalag-an!



4 AFP kaswalti sa depensiba sang NPA sa Siaton

Nag-agum sang apat ka kaswalidad sa diin duha ang patay kag duha ang pilason sa hanay sang gintingob nga pwera sang 11th Infantry Battalion kag Regional Mobile Force Batallion sa depensibang aksyon sang yunit sa idalum sang Rachelle Mae Palang Command-New People's Army (RMPC-NPA), pasado alas 7:00 sang gab-i sa Sityo Libjo, Barangay Tayak, Siaton, Negros Oriental, Disyembre 24.

"Gintinguhaan sang mga kaupod nga maglikaw sa konsiderasyon sang pagsaulog sang paskwa, apang wala sang mahimo ang kaupod kundi ang depensahan ang ila hanay sa pasista nga pagpang-atake sang mersenaryo nga pwera sang estado. Sa dalayon duha ka kaupod ang na


martir samtang luwas nga nakamani-obra ang iban nga kaupod," suno ni Ka Estrella Banagbanag, tagpamaba sang RMPC-NPA.

Dugang ni Banagbanag, yara sa disbintaha nga posisyon ang mga kaupod apang maisog kag ubos-kusog sila nga nakigsumpong sa mga nagpanalakay nga tropa sang militar nga wala untat nga nagapatigayon sang pokus nga operasyon militar nga nagatuga sang kalakasan sa nasambit nga lugar sa pihak sang panahon sang kapaskwahan.

Ang duha ka na martir nga mga kaupod ang sanday Ricardo "Ka George" Sabinan, 45 anyos, sang Brgy. Mantiquil, Siaton kag Ebit "Ka MJ" Fuentes, 24 anyos, sang Brgy. San Vicente, Trinidad, Bohol.

"Ang RMPC-NPA kag ang

bug-os nga rebolusyonaryo nga pwera ang nagahatag sang pinakamataas kag mapula nga pagsaludo sa duha ka isganan nga mga Pulang Hangaway sang pumuluyo sa ila paghalad sang ila nga bug-os nga kabuhi para alagaran ang sahing pigos kag ginahimuslan! Mabuhi ang handura-wan ni Ka Goerge kag Ka MJ kag tanan nga mga rebolusyonaryo nga martyr! Himu-on nga inspirasyon ang ila nga kabuhi para sa pag-abanse sang rebolusyon pasulong kag mag-ani sang madamu pa nga mga kadalag-an," pagtakop ni Banagbanag. **AP**



Bag-ong LAM - PKM, natukod

Natukod ang Lubos Asosasyon Masa - Pungsodnon nga Katipunan sang mga Mangunguma (LAM-PKM) sa lebel sang baryo sa Brgy. Katuburan sadtong Hulyo 30, 2020.

Gintambungan sang masobra 100 ka pumuluyo ang asembliya sini gikan sa hanay sang mga mangunguma, kaba-baenhan, pamatan-on kag mga Pulang Hangaway. Nakapili sang mga opisyaales para sa gintukod nga mas taas nga lebel sang organisasyon masa sa nasambit nga baryo.

Nakapasumpa man sang mga bag-ong kandidato kag lubos nga katapo

sang Partido. Natukod ang platun nga pormasyon sang Yunit Milisya nga magerbe nga tigpangapin sang kaayuhan kag kalinong sang palibot kag pumuluyo sa nasambit nga baryo. Natigayon man ang paghanas pangkultura sa masobra 20 ka pamatan-on kag nagpartisipar man ang mga Hangaway sang Banwa.

Sa pihak sang wala-untat nga pagpang-atake sang pasistang rehimeng US-Duterte, madinalag-on nga natukod ang bag-ong rebolusyonaryong baryo kag magapadayon nga magalig-on sa pagpundar sang rebolusyonaryong guberno sa kabukiran. **AP**

Mga kadalag-an nga natigayon sa Partido sa Southeast Negros

Sa tunga sang madulom nga paghari sang bag-o nga laye militar, nagtipon sang malig-on kag kabakod ang rebolusyonaryo nga pwersa sa Southeast Negros sa pag-atubang sang madamu nga mapi-ot nga kahimtangan.

Madinalag-on nga ginpaslaw kag gin-away sang Rachelle Mae Palang Command-New People's Army (RMPC-NPA) ang Focused Military Operation (FMO) kag Retooled Community Support Program (RCSP) sang 11th Infantry Battalion Philippine Army kag 705th Regional Mobile Force Battalion - Philippine National Police. Sumugod sang Enero tubtob Disyembre 2020, ang mga yunit sang pasistang kaaaway nagkondukta sang indi magnubo sa anum ka FMO, nga nagpahamtang sang 150-259 ka mga pasista nga tropa sa kada operasyon nga nagalawig sang masobra 130 ka adlaw ukon 1/3 sa bilog tuig, nga nagalikop sang 195 ka sityo, 25 ka baranggay kag lima ka banwa sa Southeast Negros, partikular sa ika-tatlo nga distrito sang Negros Oriental.



**PARTIDO
KOMUNISTA
NG PILIPINAS**


"Mga kadalag-an..." sundan sa pahina 13

Asud-asud nga pagpang-atake sang pwersa militar, wala naka-upang sa konsolidasyon pang-ideolohiya sang Partido kag Hukbo

Kaangay sang ido buang ang rehimen US-Duterte kag iya sumulunod nga berdugong militar sa pagsulahog sang kabukiran kag pumuluyo sa erya nga nasakupan sang Mt. Canseron Command (MCC-NPA) kag naghatag kakugmat ilabi na sa masang mangunguma.

Sumugod sa una nga semana sang Enero 2020, wala-untat sang pagpang-atake ang tropa militar sa idalom sang 62nd Infantry Battalion Philippine Army (IBPA), kag 94th IBPA sa paglagas sang mga Bagong Hangaway sang Banwa (BHB) sa desperado nga tikang sang pasistang rehimen Duterte para nyutralisahon ang rebolusyonaryo nga kahublagan sa iya nabilin nga masobra sa isa ka tuig nga pagpungko sa poder.

Wala ini nakabalabag, sa baylo asud-asud nga nalunsar ang konsolidasyon sang Partido kag Hukbo sa ideolohiya agud sa paghanda sa pag-atubang sang Partido, Hangaway sang Banwa kag sang malapad na masa sa masingki nga pagpang-atake sang kaaaway sa sahi. Nalunsar ang pagtuon sa Batakan Kurso PangPartido (BKP) sang lima ka hugna sa diin may 86 ka tumuluon ang nakakuha sini. Nakahiwat man sang paghanas sa BKP- IT nga may tatlo ka hugna kag may 30 ka mga potensyal nga instruktur nga natestingan gilayon sa praktikum.

Agud mapataas ang lebel sang teorya kag praktika sang Partido, nakahiwat man sang Intermedyang Kurso PangPartido (IKP) nga may 25 ka tumuluon ang nakakuha sini. Ini nga pagpaninguha sang MCC-NPA kabahin sa panawagan sang rehiyon kag pungsodnon nga organisasyon sang Partido nga solbaron ang daku nga kal-ang sa pangpartido nga pagtuon para mapataas ang lebel sang ikasarang sa pagpamuno sang Partido sa pagsulong sang Demokratiko nga Rebolusyon sang Banwa kag mapadalom and paghakos sa unibersal nga teorya nga MLM (Marxismo-Leninismo-Maoismo). 

"Mga kadalag-an....," halin sa pahina 12

Sa pihak sang mapintas nga FMOs, nakalunsar sang 5 ka hugna sang Batakaang Kurso PangPartido nga may 50 ka tumuluon. Dugang pa, nakalunsar sang 6 ka hugna sa PADEPA-IT nga nakanahas sang 61 nga bagong instruktur. Sa tuig 2020, nadugangan sang 7% ang bagong

katapo sa Partido kag nadugangan sang 10% ang katapuan sang rebolusyonaryong organisasyong masa.

Sa pihak sang nagalala nga mga FMO, makahas nga ginsulong sang Partido ang pagtibong sang kontra-pyudal nga paghimakas. Maisog nga nagapakigbahin ang masa sa hayagan nga bungkalan kag padayon nga pagkultibar - pagbawi sang pila ka gatus ka ektarya sang agrikultural kag prontera nga duta halin sa mga despotiko nga mga agalon mayduta. Sa baylo, wala-huya nga naglunsar sang FMO ang 11th IB sa mga ginalunsaran sang bungkalan kag nagapamahog sa mga mangunguma.

Bilang pagsunod sa direktiba sang Komite Sentral nga maglunsar sang emerhensiya nga produksyon sa pagkaon, ang Partido sa Southeast Negros ang nanguna sa pagkondukta sang kampanya sa



produksyon agud sabton ang kakulangan sa pagkaon kag suplay. Naka-ani ang yunit sang RMPC sang sinako sang mais, mani, kamote, kamoteng-kahoy, taro kag iban pa para sa hangaway sang pumuluyo kag masa. Ang mga kadre kag katapu sang Partido upod ang Pulang hangaway kag masang aktibista, epektibo nga nagpanguna kag direkta nga nagsulong sang kampanya sa produksyon, nga nakapatubas sang nagaka-igo nga suplay sang mais para sa masunod pa nga mga bulan.

Bilang pagsabat sa panawagan sang Komite Sentral para sa kampanya sa pampubliko nga ikaayong lawas bilang emerhensiya nga sabat sa pandemya, ang Partido sa Southeast Negros ang naglunsar sang pipila ka medikal misyon kag sandigan nga oryentasyon sa ikaayong lawas kag kalimpyo sa mga rebolusyonaryo nga komite sa

ikaayong lawas.

Ang tuig 2020 ang nangin panahon sang mga pagtilaw sa kalig-on kag determinasyon para sa rebolusyonaryo nga pwersa sang Southeast Negros. Ginapangabuhi ang panawagan sang Partido para sa mas dalagkuan nga sakripisyo, ang mga kadre sang Partido, mga Pulang kumander kag hangaway, kag masang aktibista ang nasubuhan sang maayo, ang ila kina-iya nga naporma sa kabudlayan sang inaway banwa. Mataas ang espiritu, kag mabaskog ang moral, sa pihak sang mabudlay nga tuig. Positibo nga ginatulok ang tuig 2021 sang RMPC nga may daku nga paglaum kag may mataas nga handum kag mag-angkon sang dalagko nga kadalag-an sa pagsulong sang pangmala-wigon nga inaway banwa pakadto sa sigurado nga kadalag-an sang pungsodnon demokratiko nga rebolusyon. **AP**

Ika-72 nga tuig sang Pangkalibutanon nga Adlaw sang Tawhanon nga Kinamatarung, ginkomemorar

Madinalag-on nga nakatigayon sang hublag-protesta bilang pagkomemorar sa ika-72 nga tuig sang Pangkalibutanon nga Adlaw sang Tawhanon nga Kinamatarung sa syudad sang Bacolod kag Dumaguete sadtong ika-10 sang Disyembre. Ginpangunahan ang nasambit nga protesta sang Bayan Negros, Karapatan Negros, Kabataan Para sa Karapatan-Negros Oriental kag iban pa nga mga organisasyon.

Ginpakita mismo ni Duterte ang iya pasista nga bangkil nga lubos nga ginbalewala ang tawhanon nga kinamatarung sa mismong adlaw sa paghanduraw sang tawhanon nga kinamatarung.

Sa Bacolod, ang mga delegasyon gikan sa Sur nga bahin sang Negros ang ginpunggan sa isa ka tsekpoynt sa Brgy.

Sum-ag. Matapos sang negosasyon sa mga opisyal sang police, nahimo nga naka-agi ang mga nagprotesta sa tsekpoynt apang naka-eksperyinsya ini sang mga pagpamahog sa mga kapulisan. Halin sa martsa sa Fountain of Justice kag sa programa sa plasa sang Bacolod, makit-an ang mga personnel sang mga militar nga nagakuha sang litrato sang mga nagaprotesta. Makit-an man ang drone nga nagakuha sang litrato nga nagalibot-libot sa lugar nga ginhiwatan sang programa.

Sa Dumaguete, ginharass sang AFP/PNP ang mga nagaprotesta sa Freedom Park sang Dumaguete nga ginahambal nga ilegal ang ila nga pagtipon kag gin-akusar nga mga katapu kuno sila sang CPP-NPA. Indi magnubo

sa siyam ka awtoridad ang nagpangharass sa mga nagprotesta paagi sa pag-gamu sini kag tuyo nga kompiskahon ang ila personal nga pagkabutang.

Wala nakapahuyang sa kagustuhan sang mga pumuluyo nga magmartsa sa kalsada kag ipahayag ang ila mga hibubun-ot bisan sa tuyo sang pasista nga rehimen nga pungan ang mga nagprotesta.

Halin Bacolod pakadto Dumaguete, klaro ang ila mga panawagan: Pasista si Duterte nga nagkomiter sang makangingil-ad nga mga paglapas sa tawhanon nga kinamatarung gani dapat siya nga pabayaron sa madamu niya nga krimen batok sa pumuluyo. **AF**



Nagapadayon nga paglapas sa tawhanon nga kinamatarung sang rehimen Duterte sa Negros

Lapnagon ang terror sa bilog pungsod sa paglala sang pagtapak sa tawhanon nga kinamatarung sa idalum sang rehimen US-Duterte.

Ginlikop sang terorismo sang estado ang pungsod nga ginalantaw nga magalala sa pagpadayon sang pasista nga paghari ni Duterte. Upod sa pagpatuman sang Memorandum Order 32 kag Executive Order 70, nangin polisiya na sang estado nga magsabwag sang kakugmat sa mga sibilyan. Paagi sa MO 32 kag EO 70, ang mersenaryo nga armado sang rehimen ang ginhatagan sang hilway nga paghari sa malapnagon nga pagpakala-in, redtagging kag pangmarkahan nga terorista ang mga organisasyon sang pumuluyo kag iban pa nga mga sibilyan para pakalainon ang ila lehitimo nga mga isyu.

Ang pagpasa sang Anti-Terrorism Act of 2020 patimaan sang kasubong nga polisiya sang estado nga nagaduso sang inhustisya kag nagadala sang pagpamigos. Katuyu-an sang Anti-Terrorism Act amu ang pukanon ang oposisyon kag ang rebolusyonaryo nga kahublagan batok sa pasista nga rehimen US-Duterte. Magapadayon ang terror

agud lumson sang mga pwersa sang estado ang pungsod sa pagpahipos sa anu man nga pagpamatuk, tapakan ang ekonomiko, sibil kag politikal nga kinamatarung kag pamatyon ang mga sibilyan nga wala sang may napasabat.

Sa Negros, 97 ang biktima sang ekstra-hudisyal nga pagpamatay. Kabahin sa kalakasan sang rehimen ang wala kalu-oy nga pagpatay sa tig-dampig saang tawhanon nga kinamatarung nga si Zara Alvarez, Jerry Catalogo kag Dr. Mary Rose Sancelan. Nagabaskog man ang militarisasyon sa mga kaumhan. Ang tuig 2020 ang nagbuyagyag sa natura sang pasista nga mersenaryo nga magtimalos batok sa mga inosente nga mga sibilyan matapos sang ila kalutusan kag kapaslawan sa paglagas sa NPA. Ang brutal nga pagpugot sang ulo sang mangunguma halin sa Brgy. Tan-awan, syudad

sang Kabankalan nga si Bernardo Guillen-pangatlo nga biktima sang pag-utod sang ulo sa tuig 2020 nagapakita lamang sang pagkabarbaro sang mersenaryo nga mga ido.

Ang numero sang detenidong politikal sa Negros ang padayon man nga nagasaka sa idalum sang rehimen US-Duterte. May yara lamang sang 5 ka detenidong politikal antis nagpungko si Duterte sang tuig 2016 apang apat ka tuig sa pasista nga paghari ni Duterte kag naglab-ot sa 124 ang detenidong politikal sa Negros.

Matapos sang deklarasyon sang untat-lupok sadtong Marso-Abril, lapnagon kag ikit-ikit ang kombat nga operasyon sa mga larangan gerilya sa Negros nga nagresulta sa tatlo ka depensiba nga aksyon sang Abril.

Sa pihak sang deklarasyon sang untat-lupok, ang tropa

“Nagapadayon,” sundan sa pahina 19





Redtagging — marka sang paglala sa pasismo sa estado

Isa sa dako nga bangungot ni Duterte ang magbayad sa iya malaba nga listahan sang krimen, kapabayaang kag brutalidad nga ginkomiter sa pumuluyo pagkatapos sang iya termino sa 2022. Gani agud makalikaw sa iya kriminal nga salabton kag agud magpabilin sa poder, ginapundar sang tiraniko nga rehimen ni Duterte ang klima sang pagsabwag sang kakugmat kag pagpanghadlok paagi sa pagterrorisa, pagmilitarisa kag markahan nga pula ukon "i-red-tag" ang sin-o man nga magpamatuk kag mag-upang sa iya nga gusto.

Sa nag-agi nga mga binulan, nangin mainit kag sentro sang istoryahanay ang pangpang "red-tag" sang estado sa mga progresibo kag demokratiko nga mga organisasyon, mga aktibista, mga artista, mamalidha kag mangin lokal nga

opisyal sang gobyerno nga kritikal kag nagatingog angut sa mga isyu sa sosyedad.

Sa madamu nga panghitabo, ang isa ka indibidwal ang wala gina-akusar sang aktwal nga pagpatapo sa CPP apang simple nga gina-alegar nga may kaangtanan sa mga ginatawag nga "pronte" ukon organisasyon nga suno sa mga militar kabahin sang ginatawag nga "legal nga istruktura" sang CPP-NPA-NDFP.

Ang National Task Force To End Local Communist Armed Conflict (NTF-ELCAC) ang ara sa likod sang masingki nga atake sang pagpang red-tag sa sini nga mga indibidwal. Ang NTF-ELCAC ginporma sadtong Disyembre 2018 kag may 2021 badget nga P19B nga ginagasto sa walay pulos nga pagluad sang mga mahigko nga kontra-komunista nga mga propaganda.

Nangin polisiya na sang estado ang pagpangredtag nga gina-imposar sang NTF-ELCAC. Katuyu-an sang NTF nga gamuhon ang pagpanikasog sang pumuluyong Pilipino nga protektahan ang ila demokratiko nga kinamatarung kag ipakigbato ang ila kolektibo nga interes. Kadungan sang Anti-Terrorism Act of 2020, katuyuan sini nga pukanon ang ano man nga porma sang oposisyon kag pagpamatuk samtang ginapalapnag ang kakugmat sa hanay sang pumuluyong Pilipino.

Iligalisasyon sang mga progresibo nga organisasyon ang pinakatuyo sa mga tikang nga ini sang NTF-ELCAC. Luyag nila nga liwaton ang laye militar ni Marcos sadtong tuig 1972 sa diin gindeklarar nga ilegal ang tanan nga porma sang organisasyon masa. Para

"Redtagging," sundan sa pahina 17

“Redtagging,” halin sa pahina 16

sa ila nga mga mata, wala sang kinatuhay ang armado kag indi-armado. Gani ila ginared-tag, ginapamatay kag ginatamnan sang mga armas, eksplosibo kag bala ang sin-o man nga ila ginapangmarkahan kag ginapasibangdan agud ipagwa nga makatarungan ang ila kontra-demokratiko nga tikang kag madinugu-on nga gyersa sa mata sang publiko.

Sa isla sang Negros, nanging madata ang kaso sang pagpang-redtag sa diin nagresulta ini sa indi na maisip nga mga biktima sang pagpamatay sa hanay sang mga aktibista, lider-masa, mangunguma kag tigdampig sang tawhanon nga kinamatarung kaangay nanday Atty. Ben Ramos, Councilor Bernardino “Toto” Patigas, Zara Alvarez.

Pinakabag-o nga kaso diri ang wala-kalu-oy nga pag-tiro patay kay Dr. Mary Rose Sancelan kag sa iya bana nga si Edwin Sancelan sang riding-in-tandem samtang nagapa-uli ini sa Brgy. Poblacion, Guihulngan, Disyembre 15 sang hapon.

Isa man sa aktwal nga kaso diri sa isla ang dululungan nga ilegal nga pag-reyde sa mga opisina kag balay sang mga progresibo nga organisasyon sa syudad sang Bacolod kag Escalante sa diin 57 ka mga mamumugon, pamatan-on kag mga lider masa ang ilegal nga ginpangdakop kag ginpangkasuhan sang mga himo-himo nga kaso base sa mga ginpangtanom nga mga ebidensya.

Ang nagasaka nga isip sang pagpang-atake sa sibil kag politikal nga kinamatarung ang magatulod lamang sa mas madamu pa nga mga pumuluyo nga pasingki-on ang kahublagan masa kag ang armado nga rebolusyon kaangay sang panahon sang pasista nga diktadurya ni Marcos.

Pilit nga wala ginahangop sang estado ang kasaysayan nga ang pag-alsa sang pumuluyo naga-ugat sa kawad-on sang hustisya kag naga-ut-ot nga kapigaduhon sa pungsod.

Ang nagasulong nga rebolusyonaryo nga armado nga paghimakas subong sa pungsod ang tuga sang handum sang pumuluyo para sa pungsodnon kag sosyal nga kahilwayan batok sa mga demonyo nga pwersa sang imperyalismo, pyudalismo kag burukrata kapitalismo.

INTERNATIONALE

Filipino Version

Approved lyrics by 2nd Congress

Bangon sa pagkakabusabos
Bangon, mga bihag ng gutom
Katwiran ay bulkang sasabog
Buong lakas na dadagundong

Gapos ng kahapo'y lagutin
Tayong api ay magbalikwas
Tayo ngayo'y inaalipin
Subalit atin ang bukas

Ito'y huling paglalaban
MAGKAISA'T nang masaklaw
Ng internasyunal ang sangkatauhan

Ito'y huling paglalaban
MAGKAISA'T nang masaklaw
Ng internasyunal ang sangkatauhan

Wala tayong maaasahang
Bathala o manunubos
Kaya't ang ating kaligtasa'y
Nasa ating pagkilos

Manggagawa bawiin ang yaman
Kaisipa'y palayain
Ang maso ay ating HAWAKAN
Kinabukasa'y pandayin

Ito'y huling paglalaban
MAGKAISA'T nang masaklaw
Ng internasyunal ang sangkatauhan

Ito'y huling paglalaban
MAGKAISA'T nang masaklaw
Ng internasyunal ang sangkatauhan

Manggagawa at magsasaka
Ating partido'y dakila
Palayasin ang mga gahaman
Sa anakpawis ang daigdigang

Wakasan pagsasamantala
Ng mga buitire at uwak
Sa umagang sila'y maglaho
Mapulang araw sisikat

Ito'y huling paglalaban
MAGKAISA'T nang masaklaw
Ng internasyunal ang sangkatauhan

Ito'y huling paglalaban
MAGKAISA'T nang masaklaw
Ng internasyunal ang sangkatauhan

“Redtagging,” sundan sa pahina 19

Pula nga pagsaludo sa mga baganihan kag martir sa rebolusyon

ni Ka Juanito Magbanua, AGC-NPA spokesperson

Sa paglunsar sang armadong rebolusyon nga ang katuyuan amo ang paghilway sa malapad nga pumuluyo, indi malikawan ang paghalad sang kabuhi. Ang pinakamataas nga porma sang paghalad sang kaugalingon para sa kabilugan nga masang pigos kag ginahimuslan isa ka kina-andan nga misyon sang mga kaupod sa rebolusyon.

Ang paghalad sang kabuhi nila Ka Marmar, Ka Reymond, Ka Rido, Ka Jabar, Ka Dennis, Ka Leo, Ka Junjun, Ka Joy, Ka Lakas, Ka MJ kag Ka George napagkit na sa kasaysayan sang rebolusyonaryo nga paghimakas sa isla sang Negros. Indi malipatan sang rebolusyunaryong masa kag mga kaupod ang paghalad sang ila kabuhi kag nangin buhi ini sa ila balatyagon.

Gamiton naton nga inspirasyon sa pagpadayon sang wala nila natapos nga rebolusyonaryo nga katungdanan sa pagpadaug sang armadong rebolusyon para mahilway ang malapad nga masa sang pumuluyo.

Ini nga mga kaupod kadamuan naghaling sa maayo nga mga anak sang mga mangunguma nga nagdesisyon nga maglubos panahon nga magserbisyo sa armado nga rebolusyon. Bangud sang mataas nila nga politika nga kamuklatan, ila nahangpan nga ang ultimo nga solusyon sa problema sang pumuluyo sa idalum sang mala-kolonyal kag malapyudal nga sistema sang pungsod Pilipinas amo ang paglunsar sang pungsodnon demokratiko nga rebolusyon paagi sa armado nga paghimakas.

Sa dalayon nga pagremolde halin sa aktibista pakadto sa lubos nga proletaryo nga rebolusyonaryo, wala sang kapoy nga gin-atubang ang mga sakripisyo kag kabudlayan sa pagtungod sang hilikuton sa rebolusyon. Ginpangibabawan ang mga kabudlayan pareho sang paglakat sa taklaron kag dulhugaon nga may mabug-at nga dala, may panahon nga malipasan sang gutom kag malayo sa pamilya.

Bilang matuod nga hangaway sang pumuluyo, ginpakita nila ang pagkatampad sa ila nga ginsumpaan bisan sa katapusan sang ila ginhawa nga maghalad sang kabuhi kon kinahanglan. Makita ang pagmanipistar sang politiko-militar nga paghanas sa mga kaupod nga pila ka pilo nga mas malig-on



kontra sa lunsay militar kag sandig sa sweldo nga pagpahulag sa pasista kag mersenaryo nga tropa sang AFP/PNP.

Nagtaliwan ang mga kaupod, madunot ang ila lawas apang ang ila ngalan kag rebolusyonaryo nga espiritu nagapabilin sa nagabalingaso nga balatyagon sang pumuluyo kag dugang nga nagpalapnag sang kahustuhon sang ginalunsar nga armado nga paghimakas.

Bilidhon ang paghalad sang kabuhi para sa pumuluyo kag mas mabug-at pa sa bulkan Kanlaon bangud sang ila pagalagad sang lubos katampad sa pumuluyo. Ang ila pagtaliwan wala ginatan-aw nga puro kapaslawan. Sa baylo, naghatag ini sang inspirasyon kag kahandaan sa paghalad sang kabuhi kon kinahanglan

“Pula nga pagsaludo...,” halin sa pahina 18

para isulong kag mahilway ang masang ginapigos kag ginahimuslan.

Samtang nagapabilin nga malakolonyal kag malapyudal ang sistema sang pungsod Pilipinas nga ginaharian sang imperyalista nga US, dalagku nga agalon may duta kag dalagku nga komprador burgesya, ang pagpanghimulos kag pagpamigos magapadayon. Padayon nga magalala ang kapigaduhon kag kaimulon. Padayon man nga ma-

hatagan rason ang kinahanglanon sa pagpadayon sang armadong rebolusyon agud hatagan sang kasulbaran ang madugay na nga handum sang pumuluyo nga mahilway sa sining mapiguson nga sistema. Indi mahubas ang bubon sang pumuluyo nga handa makigbahin sa armado nga paghimakas kag maghalad sang kabuhi kon kinahanglan para sa matuod nga kahilwayan.

Ang armado nga rebolusyon

nga aton ginalunsar isa ka makatarunganon nga rebolusyon bangud nagadala ini sang interes sang malapad nga pumuluyo. Makatarungan lang nga aton ipadayon ang wala matapos nga armadong rebolusyon sang mga kaupod nga nagtaliwan na.

Mapula nga pagsaludo kag mataas nga pagpasidungog sa mga kaupod nga naghalad sang ila bilidhon nga kabuhi para sa interes sang pumuluyo! **AP**

“Nagapadayon,” halin sa pahina 15

sang 94th IB ang padayon nga nagakondakta sang operasyon kombatan sa nabukid sang syudad sang Himamaylan, Negros Occidental nga nagresulta sa depensiba nga aksyon sa Brgy. Carabalan sadtong Abril 19. Isa pa ka depensiba nga aksyon ang natabo sang ang mga elemento sang 79th IB ang nag reydsang yunit sang Roselyn Jean Pelle Command sa Brgy. Gawahon, syudad sang Victorias, Negros Occidental. Ikatatlo ang reydsang 94th IB sa Brgy. Camudlas, Bindoy, Negros Oriental sadtong Abril 30. Nagapadayon pa ang untat-lupok nga deklarasyon sang CPP-NPA-NDF sa panahon sang depensiba nga aksyon sa Bindoy samtang natapos na ang sa bahin sang GRP.

Nakarekord ang NDF-Negros sang presensya sang mga militar kag operasyon kombatan sa 29 ka baranggay sa lima ka syudad kag lima ka munisipalidad sa isla sang Negros sa panahon sang untat-lupok sadtong Marso 26-Abril 30. **AP**

“Redtagging,” halin sa pahina 17

Samtang nagasingki ang mahigko nga gyera sang rehimen Duterte, labi nga ginadabukan ang nagaiibwal nga kaakig sang pumuluyo nga maninidugan agud sukton kag pasabton ang tiraniko nga rehimen tubtob matuman ang bangungot nga ginakahadlukan ni Duterte.

Saksi ang kasaysayan nga ang ini nga mga desperado nga tikang sang estado ang magserbi nga hangkat kag magtulod sa madamo nga pumuluyo nga usuyon ang dalan sang rebolusyonaryo nga paghimakas para sa demokrasya kag pungsodnon nga kahilwayan.

Aton permi nga dumdumon wala sang sayop sa pag-alsa! May sayop sa sistema gani makatarungan lamang nga mag-alsa! **AP**



Mabuhi ang ika-52 nga anibersaryo sang Partido Komunista sang Pilipinas!

Ginpundar ang Partido Komunista sang Pilipinas sadtong Disyembre 26, 1968 — ika-75 nga anibersaryo sang kaadlawan sang dungganon nga lider sang Tsina nga si Mao Zedong. Gindihon sang Partido ang Kongreso sang Pagkapundar sini sa gamay nga payag-payag sa Brgy. Dulalac, Alaminos City, Pangasinan.

Pula ang simbolo kag hayahay sang Partido nga may bulawan nga maso kag karit sa tunga. Internationale ang iya nga pungsodnon nga amahanon.

Ginatib-ong sang Partido ang Pungsodnon Demokratiko nga Rebolusyon bilang subong nga halintang sang rebolusyon sa Pilipinas sa preparasyon para sa sunod nga halintang sang sosyalista nga rebolusyon bilang nagapanguna nga halintang padulong sa lubos nga pagkab-ot sang komunismo nga katuyuan.

Hugot nga gina-aplikar sang Partido ang istrategiko nga linya nga palibutan ang kasyudaran halin sa kaumhan sa natalana nga pangmalawigon nga panahon tubtob maluto ang kondisyon sa pag-agaw sang kasyudaran sa istrategiko nga opensiba.

Madinalag-on nga natigayon sang CPP ang ika-duha nga kongreso sa ika-apat nga kwatro sang 2016. Maragtason ini nga gindihon sang Oktubre 24 tubtob Nobyembre 7, 2016. May ara ini sang total nga 120 ka delegado, pareho nga *attending* kag *non-attending* nga nagarepresenta sang katapuan sang Partido halin sa 14 tanan ka rehiyon kag pungsodnon nga organo.

Sin-o ang pwede magpatapo sa Partido?

Bisan sin-o nga Pilipino nga residente sa Pilipinas, nga naga-edad 18 pataas kag ginabaton ang prinsipyo sang Partido ang pwede mabaton bilang katapu. Ang kandidato nga katapu ang pwede mangin lubos nga katapu matapos sang natalana nga panahon depende sa ila nga sahi kag rekomendasyon sang duha ka katapu sang Partido nga may maayo nga rekord.

Ang sandigan nga yunit sang Partido amu ang sanga sang Partido. Ginabug-os ini sang indi magnubo sa tatlo ka katapu sang Partido nga makabinuligay bilang kolektibo nga yunit sandig sa lugar nga gina-istaran, lugar nga gina-obrahan kag lugar nga gina-eskwelahan.

Gina-implementar sang Partido ang kaugalingon sini nga programa sa edukasyon nga gina-direkta sang iya National Education Bureau. May ara ini sang tatlo ka lebel nga kurso sang Partido: Sandigan nga kurso sang Partido, Intermidyet nga kurso sang Partido kag Abanse nga kurso sang Partido.

Ano ang relasyon sang Partido sa NPA?

Ginamintinar sang Partido ang absoluto sini nga pagpamuno sa New People's Army. Ginadirekta sini ang politika sang NPA paagi sa pag-establisar sang mga sanga sang Partido sa mga platun kag kompaniya sang NPA.



angpaghimakas@yahoo.com



negrosrevportal.wordpress.com



facebook.com/angpaghimakasnegros



ndfnegros

